

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-145/18
Sarajevo, 25.1.2018. godine

Z A P I S N I K

**17. VANREDNE SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 25.1. 2018. godine**

Sjednica je počela u 14:40 sati.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predsjednika Vlade Federacije gospodina Fadila Novalića, dopremijera Vlade Federacije gospodina Veska Drljaču, prisutne ministricu i ministre Editu Đapo, Zoru Dujmović, Josipa Martića, Matu Jožića i Zlatana Vujanovića, predstavnike udruženja, međunarodnih organizacija, medija i goste.

Izostanak sa sjednice opravdali su Slaviša Šućur, Slađan Ilić, Mirvet Beganović, Edin Forto i Rasim Kantarević.

Na osnovu evidencije Stručne službe, predsjedavajuća je konstatirala da sjednici prisustvuje 45 delegata što čini većinu pa Dom naroda može raditi i punovažno odlučivati.

Draženka Subašić je predložila da Dom naroda donese Zaključak kojim bi obavezao premijera Novalića da razgovara sa radnicima Željezare Zenica.

U diskusiji o prijedlogu Draženke Subašić učestvovali su: Ismet Sarajlić, Lidija Bradara, Aner Žuljević, Predrag Kojović, Jasenko Tufekčić, Lejla Imamović Jamaković, Osman Ćatić, Željko Mirković, Fuad Hadžimehmedović i premijer Fadil Novalić koji je izjavio da će razgovarati sa radnicima Željezare.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 30 glasova za, 11 glasova protiv i dva suzdržana glasa, prihvatio da se Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije razmatra po skraćenom postupku.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 30 glasova za, 11 glasova protiv i tri suzdržana glasa, prihvatio da se Prijedlog zakona o dopunama Zakona o policijskim službenicima Federacije Bosne i Hercegovine razmatra po skraćenom postupku.

Potom je predsjedavajuća konstatirala da je Dom naroda, sa 33 glasa za, 10 glasova protiv i četiri suzdržana glasa, usvojio sljedeći

D N E V N I R E D

1. Prijedlog zakona o penzijskom i invalidskom osiguranju,
2. Prijedlog zakona o dopunama Zakona o policijskim službenicima Federacije Bosne i Hercegovine - skraćeni postupak,
3. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak.

1. Prijedlog zakona o penzijskom i invalidskom osiguranju

Prijedlog zakona utvrdila je Vlada Federacije

Predstavnički dom Parlamenta Federacije je na 26. vanrednoj sjednici održanoj 24.1.2018. godine usvojio Prijedlog zakona o penzijskom i invalidskom osiguranju sa tri amandmana Vlade Federacije BiH i jednim amandmanom koji je Vlada Federacije prihvatila na sjednici Predstavničkog doma pa je postao sastavni dio Prijedloga zakona. Tom prilikom usvojen je Zaključak.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložio Vesko Drljača, federalni ministar rada i socijalne politike.

U raspravi su učestvovali: Aner Žuljević, ministar Drljača, Željko Mirković, Draženka Subašić, Tomislav Martinović, predsjednik Kluba delegata hrvatskog naroda koji je u ime Kluba predložio zaključak i Osman Ćatić predsjednik Kluba delegata bošnjačkog naroda koji je također u ime Kluba predložio zaključak.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 31 glasa za, 14 glasova protiv i jednim suzdržanim glasom, usvojio Prijedlog zakona o penzijskom i invalidskom osiguranju.

Budući da je Aner Žuljević, koga su podržala dva delegata, izrazio sumnju u rezultate glasanja pristupilo se poimeničnom glasanju koje je obavio Izmir Hadživdić, sekretar Doma naroda.

Na osnovu rezultata poimeničnog glasanja, predsjedavajuća je konstatirala da je Dom naroda Parlamenta Federacije BiH, sa 31 glasom za, 13 glasova protiv i tri suzdržana glasa, usvojio Prijedlog zakona o penzijskom i invalidskom osiguranju.

Potom se glasalo o zaključku koji je predložio Klub delegata hrvatskog naroda.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 34 glasa za, jednim glasom protiv i pet suzdržanih glasova, usvojio sljedeći

ZAKLJUČAK

1. Zadužuje se Vlada Federacije BiH da pažljivo prati primjenu i implementaciju Zakona o penzijskom i invalidskom osiguranju u idućih šest mjeseci te da eventualno ponudi izmjene i dopune Zakona u cilju poboljšanja istog.
2. Dom naroda Parlamenta Federacije BiH traži od Vlade Federacije BiH da u skladu sa odredbama člana 81. st. 2. i 3. Zakona o penzijskom i invalidskom osiguranju razmotri mogućnost povećanja minimalnih penzija budući da su korisnici istih ujedno socijalno najugroženija kategorija u dijelu populacije penzionera.
- 2. Prijedlog zakona o dopunama Zakona o policijskim službenicima Federacije Bosne i Hercegovine - skraćeni postupak**

Prijedlog zakona utvrdila je Vlada Federacije

Predstavnički dom Parlamenta Federacije je na 26. vanrednoj sjednici održanoj 24.1.2018. godine usvojio Prijedlog zakona o dopunama Zakona o policijskim službenicima Federacije Bosne i Hercegovine u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

Nije bilo rasprave.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 34 glasa za i jednim suzdržanim glasom, usvojio Prijedlog zakona o dopunama Zakona o policijskim službenicima Federacije Bosne i Hercegovine.

3. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak

Prijedlog zakona utvrdila je Vlada Federacije

Predstavnički dom Parlamenta Federacije je na 22. vanrednoj sjednici održanoj 21.11.2017. godine usvojio Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

Nije bilo rasprave.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 35 glasova za, jednom glasom protiv i jednim suzdržanim glasom, usvojio Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije.

Sjednica je prekinuta u 16:20.

* * *

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆA

Lidija Bradara